

Takurda-o Burus o wu gene Pirimõn

Rem-se ro n-me à:

M-zantẽ 1-3

Bom un Pirimõn 4-7

Kone un Onesimus us-kon 8-22

Ur-kom 23-25

Ur-gas

¹ Ka takurda-o un rwuun be un de Burus, wu ro ke'o à, ha-mo un be-ur Pirimõn. A un ka me remen um rworog ma-ut **Kiristi*** Yeso to ur-bon. Me un **Timoti** ne or na ro wo m-gas.

Pirimõn wo ko-nay-wu, komo or te n-me un senge-m **Kiristi**. ² Te komo m-gas un **yan-dor Yeso**, ye ro m-morge un hur-o ru remen bongon-de Shir à. Tomso te m-gas un or na ne'a, jin-de un wu Apiya, un Arkibus ko-karma be-de un rwor un **Ma-to m-Rerem** to ma **Kiristi**.†

³ Um konog Shir Tato na un Wan-Koyan ne Yeso Kiristi, ye ye'et no m-yar un gwugwu-mo ur-hur ne.

Was-m Pirimõn m-sher ne

⁴ Or re Pirimõn, ko o ke da-o um kone, me wo m-tan um 'ye Shir re ur-bongon, ⁵ remen um hogute wo m-was un hun-ne ye Shir ne kap, m-sher ne mo wotte à, be-ur Wan-Koyan Yeso. ⁶ Kon-us re se ro, morog-ur no de ur-bon de un

* **1:1** 1:1 Wu Shir daagne à. † **1:2** 1:2 Hyen komo: Koro 4:17.

yan-dor o un **Kiristi**, de gu wõ o nept rii-yo ur-bon, yo o yoosẽ be-ur Yeso **Kiristi**. ⁷ Wan-henem re, was-m ru ya'ag me o-zak un caari-o un jaab-o ut-men ne! Men-to un yan-dor nomog o-zak rem ru.

Us-kõn rem Onesimus

⁸ Remen kaane, rem **Kiristi**, man nom jaab-o ut-men, um rurutu wõ yo o he nom yo depe à untun wan-dor. Amba man gaktu wõ á, ⁹ remen me wõ m-was. Me, Burus, ko-mõng kane ke'o, rem **Kiristi** Yeso, um jiište m-con um kon wõ. ¹⁰ Me wõ us-kõn o nome Onesimus‡ rii-yo ur-bon, wu warge wà re bõ um ro ke'o à. § ¹¹ N-ga wu ro hwaa be un du, amba m-moka ko-yan-gwu-wu be un du un me ne.

¹² Me wu m-muutbe be un du, amba hur un de ro be-de un wu. ¹³ Bõ um ro ke'o kane à, remen rworu un Ma-ut m-Rerem à, um ro conog um yagu wu kane un me ne remen wu guut me un sugẽ un du. ¹⁴ Kap un kaane ne, me con um ru wõ nom un yo ken rii-yo ba wõ un con á. Amba man cun o nom yo un con-m ru ba m-gakte. ¹⁵ O ken da-o, Onesimus ro wongute un wõ ne un ya o-da hiin, remen o doot wu m-goks ba m-ta. ¹⁶ Wõ goks wu untun ko-guw á, amba arge kaane, gwot wu untun or ru ko-yan-dor, wu o cone à. Me wu m-was deen. Depete o was un wu ne arge kaane, un es-de un wu ko-guw-wu Shir, un wu shere ne be-ur Wan-Koyan à.

‡ **1:10** 1:10 Jin-ur Onesimus de ro "Net so-wu." § **1:10** 1:10 Hyen komo: Koro 4:9.

17 Ùn kaane, ùrege wò ùs-barag, me òr ru wù, gòks Onesimus bò o he me m-gòks à. 18 Ùrege Onesimus nomotu wò **ur-ba'as**, sokse wù. Ùrege wò wù m-dore ùr-moog, muut ka moog-de ùn hi ùn de. 19 Me genbe ùn kom-ùt re: Me, Burus, man topso wò kap yo wò Onesimus m-dore à. (Man nom ma-to ùn hoog pu-o, o o kume be ùn de á.) 20 Ùn kaane heno re, hakkure, ùm konog yo ka be ùn du, rwò men-ùt re nom m-gwugwù! Nom yo ka remen jin-ùr Wan-Koyan na, na hen-ne ye be-ur **Kiristi**.

21 Ùm nepse dorotte-o ru, woa nom har ma arge yo ùm kone wò à. 22 Komo har m-moka, kum o-kuke rem re n-me ùn hur-o ru, remen me o-saktò, Shir a gòks kon-ùs nò kap wù muutbu me be-ur nò.

Gas-de ùr-kom

23 Epaparas, wù rò ke'o ùn me ne à, remen wù rò ùn dor **Kiristi** Yeso, tombutu wò gas-de ùn wù.* 24 Kaane komo òr re ne yan-senge-mò ùn rworù ùn ma-ùt Yeso, Markus, ùn Aristarkus, ùn Dimas, ùn Ruka ne, òr re ne n-me m-senge ye wò ùr-gas.†

25 Yar-mò Wan-Koyan Yeso **Kiristi** ma'as ùn wò ne!

* **1:23** 1:23 Hyen komo: Koro 1:7; 4:12. † **1:24** 1:24 Hyen komo: Seng 12:12,25; 13:13; 15:37-39; 19:29; 27:2; Koro 4:10,14; 2Tim 4:10-11.

ut-Hun New Testament

Hun-Saare: ut-Hun New Testament New Testament

copyright © 2017 Wycliffe Bible Translators, Inc.

Language: Hun-Saare

Contributor: WBT Central Zone

© 2017 Wycliffe Bible Translators, Inc. in cooperation with the Ut-Hun Bible Translation Project All rights reserved. The New Testament in ut-Hun (Eastern Dukawa)

All rights reserved.

2020-11-17

PDF generated using Haiola and XeLaTeX on 21 Feb 2024 from source files dated 29 Jan 2022

4b40cd80-7cb8-5d3d-8563-557f030f99d7